

**UNIVERZITET U SARAJEVU
ELEKTROTEHNIČKI FAKULTET U SARAJEVU
KOMISIJA ZA PRIJEM I UPIS STUDENATA
NA I GODINU PRVOG CIKLUSA STUDIJA U AKADEMSKOJ 2015/2016. GODINI**

**KRITERIJI ZA RANGIRANJE KANDIDATA ZA UPIS STUDENATA U PRVU GODINU
PRVOG CIKLUSA STUDIJA NA ELEKTROTEHNIČKI FAKULTET UNIVERZITETA U
SARAJEVU U AKADEMSKOJ 2015/2016. GODINI**

Rangiranje kandidata i prijem studenata u prvu godinu studija vršit će se u zavisnosti od broja bodova koje kandidat osvoji po osnovu:

- **općeg uspjeha**

Broj bodova po osnovu općeg uspjeha iznosi maksimalno 20, a utvrđuje se tako što se prosječna ocjena iz svih predmeta u svim razredima, zaokružena na dvije decimale, pomnoži sa 4.

- **uspjeha iz maternjeg jezika, matematike i fizike**

Broj bodova po osnovu uspjeha iz predmeta maternji jezik, matematika i fizika vrednuje se sa maksimalno 40 bodova. Ovaj broj izračunava se tako što se najprije za maternji jezik i matematiku izračunava srednja vrijednost ocjene u sva četiri razreda, a za fiziku u posljednja dva razreda u kojima je kandidat imao fiziku. Ukoliko kandidat nije imao neki od predmeta u nekom od razreda, za taj razred se uzima ocjena 0. Zatim se izračunava srednja vrijednost ocjene za ova tri predmeta, zaokružiti na dvije decimale i pomnoži sa 8.

- **rezultata postignutih na prijemnom ispitu iz Matematike**, a vrednuje se sa maksimalno 40 bodova. U prvu godinu Prvog ciklusa studija mogu se upisati samo oni kandidati koji na prijemnom ispitu iz Matematike ostvare najmanje 20 bodova.

- **„Posebnog priznanja ministra obrazovanja i nauke“, a za učenike iz drugih kantona sa prosjekom 5,0.**

Kandidatima koji su nosioci „Posebnog priznanja“, koje dodjeljuje ministar obrazovanja i nauke, dodjeljuje se 5 bodova, kao i kandidatima koji dolaze izvan Kantona Sarajevo, a u toku cjelokupnog srednjoškolskog obrazovanja su imali odličan (5) uspjeh iz svih nastavnih predmeta i primjerno vladanje.

- **rezultata ostvarenih na takmičenjima iz predmeta: matematika, fizika, strani jezik, informatika i sport.**

Za jedno od osvojenih mjesta na lokalnom (općinsko, gradsko) takmičenju učenika srednjih škola dobija se sljedeći broj bodova:

- za osvojeno prvo mjesto – 2 boda,
- za osvojeno drugo mjesto – 1 bod i
- za osvojeno treće mjesto – 0,5 bodova.

Za jedno od osvojenih mjesta na kantonalnom takmičenju učenika srednjih škola dobija se sljedeći broj bodova:

- za osvojeno prvo mjesto – 3 boda,
- za osvojeno drugo mjesto – 2 boda i
- za osvojeno treće mjesto – 1 bod.

Za jedno od osvojenih mjesta na takmičenju učenika srednjih škola na nivou entiteta i Bosne i Hercegovine dobija se sljedeći broj bodova:

- za osvojeno prvo mjesto – 4 boda,
- za osvojeno drugo mjesto – 3 boda i
- za osvojeno treće mjesto – 2 boda.

Za jedno od osvojenih mjesta na međunarodnom takmičenju učenika srednjih škola dobija se sljedeći broj bodova:

- za osvojeno prvo mjesto – 5 bodova,
- za osvojeno drugo mjesto – 4 boda i
- za osvojeno treće mjesto – 3 boda.

Ukupan broj bodova koje kandidat dobija po osnovu takmičenja formira se na osnovu zbira bodova po svim rezultatima, s tim da se boduju samo takmičenja koja su zvanično organizirana na nivou općine, grada, kantona, entiteta i Bosne i Hercegovine i to iz predmeta: *matematika, fizika, strani jezik, informatika* i sport.

Boduju se i rezultati u okviru takmičenja pod nazivom „Smotra tehničkog stvaralaštva”, koje je organiziralo Ministarstvo za obrazovanje, nauku i mlade Kantona Sarajevo.

Za kandidate iz država nastalih raspadom bivše SFRJ za bodovanje ostvarenih rezultata na takmičenjima će se primjenjivati odredbe utvrđene u stavovima 1, 2 i 3 člana 6. Konkursa za upis studenata u prvu godinu Prvog ciklusa studija na Univerzitetu u Sarajevu u akademskoj 2015/2016. godini, uz primjenu principa ekvivalencije (lokalno = općinsko, gradsko; kantonalno = županijsko/regionalno (regije unutar države); entitetsko = pokrajinsko i ostalo; državno = državno).

Ostali kriteriji i mjerila za utvrđivanje redoslijeda prijema kandidata za upis u prvu godinu Prvog ciklusa studija utvrđeni su Odlukom o kriterijima i mjerilima za utvrđivanje redoslijeda prijema kandidata za upis u prvu godinu Prvog ciklusa studija na Univerzitetu u Sarajevu, koja je sastavni dio Konkursa za upis studenata u prvu godinu Prvog ciklusa studija na Univerzitetu u Sarajevu u akademskoj 2015/2016. godini.

Sarajevo, 22.06.2015. godine

PREDSJEDNIK KOMISIJE

Prof.dr Samim Konjicija